

—804

ALBINUS ONIE SACERDOTI SALUTEM.

1. Cor. 13, 8.

Prosperitas et gaudium animi vestri multum mihi^a placere fateor, quae 'caritas', sicut apostolus ait, 'numquam excidit'^b, quae semper nova et antiqua; nova ex praesentia, antiqua ex memoria: quam semper utinam fideliter sequaris cum omni homine^c, quantum in te est, et quantum ad Dei honorem honestum et utile videris^d. Non est 5 caritas, quae in ebrietate tenetur¹, vel in peccatis coniuncta conglutinatur, sed impia voluntas, non bona suavitas. Ama Deum semper, qui amantem se amat, et diligentem se diligit. Habeto illum amicum, qui unicuique amicus est secundum se. Pauperum memor esto in elymosinis et miserorum in defensione et peregrinorum in solacio, ut Deus tibi reddat^e in die magno, ubi dividet omne^f humanum genus in duas partitiones, 10 aliis propter duritiam cordis indeficientes tormentorum flammis, aliis propter misericordiae opera et caritatis officia perpetuae beatitudinis regnum. Hoc faciens feliciter vive, fili mi carissime.

278.

Alcvinus abbatibus ac monachorum quorundam familiaritatem et orationes exoptat. Hortatur ad caritatem humilitatem oboedientiam laudesque divinas. —804. 15

Cod. H fol. 77—78.

Edd. F 224, J 278. — Migne col. 505.

VENERANDO PATRI ET SANCTISSIMIS FRATRIBUS IN CONGREGATIONE BEATISSIMI CONFESSORIS CHRISTI HUMILIS LEVITA ALBINUS SALUTEM.

Gaudens vestrae beatitudinis audivi prosperitatem, et relegendam vitam et Deo 20 condignam, atque hominibus laudabilem; quapropter meae parvitas nomen diligentius sanctis vestris orationibus commendo, ut me habeatis quasi unum ex vobis. Ego vero peccator, multum indigens sanctorum intercessione^a, sciens multum valere deprecationes iustorum iuxta apostoli Iacobi testimonium, nihil de meis confidens meritis, sed 25 totum me per famulorum Christi intercessionem divinae gratiae commendans; et licet peccatis meis impediens non sim dignus inter eos numerari, tamen Deo miserante^b illos diligere scio et illis honorem inpendere^c debitum. Quapropter obnixè deprecor, 1. Cor. 13, 4. ut me ea caritate recipiatis, qua vos humiliter depono. Caritas enim benigna est, in qua tota servorum Dei vita consistit, quam vestra unanimitas, sicut audio, optime habet, per quem vitam aeternam habebit, quicumque habere dignus erit; quam toto 30 corde sequimini, carissimi fratres, quia tota monachorum vita in caritate, humilitate et oboedientia consistit; et quia vestra pietas Deum elegit sibi dominum et regem, tota virtute Deum amate, et praeceptis eius oboedire studete. Unusquisque alteri sit magister in opere bono, et unusquisque alteri discipulus in humilitatis oboedientia, 35 ib. 14, 30. dicente apostolo: 'Si vero iuniori revelatum fiat, prior taceat'. 'Spiritus enim ubi vult spirat'. Dei enim donum est, si quis recta intellegit, si quis iusta^d amat; Dei enim donum in nulla aetate, in nulla persona contemnendum^e est. Ioh. 3, 8.

Seniores inter vos iuniores erudiant², ut digni^f habeantur pro se in suo stare loco: docete eos in omni mansuetudine, erudientes in timore Dei, ut discant ab ineunte aetate Deo servire, et praeceptis regularibus informari. Iuniores debitum honorem 40

277. ^a) me H. ^b) excidit H. ^c) homini H. ^d) videaris H. ^e) reddet H. ^f) omnē H.278. ^a) intercessionem H. ^b) Deo iterum add. H. ^c) inpendere H. ^d) iuste H. ^e) contemnenda H. ^f) digne H.

1) Cf. supra p. 172 l. 20.

2) Cf. supra p. 116 l. 27; 428 l. 23.